



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

LXIII. De ordine Congregationis. converso primùm primas dare condecet
imum: Exornare bonos mutuus optat honos.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

Per Regulam hęc intelliguntur etiam præcepta Superiorum, ut patet ex anteced.

18. APRIL. 18. AUG. 18. DECEMB.

CAPUT LXIII.

De ordine Congregationis.

Ordines suos *a* in Monasterio ita conservent *b*, ut conversionis *c* tempus, & vitæ meritum *d* discernit *e*, utque Abbas constituerit *f*. Qui Abbas non conturbet gregem *g* sibi commissum, nec quasi liberâ utens potestate, injustè disponat aliquid; sed cogitet semper, quia de omnibus judiciis & operibus suis redditurus est Deo rationem. Ergo secundum ordines, quos constituerit *h*, vel quos habuerint ipsi Fratres, sic accédant ad pacem *i*, ad Communionem *l*, ad Psalmum imponendum *m*, in Choro standum. Et in omnibus omnino locis ætas non discernatur *n* in Ordine, nec præjudicet *o*, quia Samuel & Daniel pueri *p* Presbyteros judicaverunt. Ergo exceptis his, quos, ut diximus, altiori

confilio q Abbas prætulero, vel degraverit s certis ex causis, reliqui omnes, ut convertuntur, ita sint t: ut, Verbi gratia, qui secundâ horâ diei venerit in Monasterium, juniorem se noverit illius esse, qui primâ diei horâ venit, cuiuslibet ætatis aut dignitatis sit. Pueris u verò per omnia ab omnibus disciplina teneatur x. Juniores igitur priores y suos honorent z; priores juniores suos diligant.

- a) *In incedendo, stando, sedendo conventionaliter &c.*
- b) *Seu observent.*
- c) *Sive ingressus in Monasterium aut Novitiatum, quamvis fortè alius prius emitat professionem. Ità colligitur ex ipsâ voce & contextu contra Boërium intelligentem hîc tempus conversionis perfectæ, seu professionis.*
- d) *Non à personâ propriâ, sed ab Abbate judicandum.*
- e) *Vulgò determinat, vel secum fert.*
- f) *Sive ob vitæ meritum, sive ob aliam necessitatem, vel utilitatem.*

g) *Id*

- Id est, *finè causâ non invertat ordinem, quem habent subditi juxta tempus conversionis.*
- l) *Nimirum Abbas.*
- m) *Vel in Missâ post Agnus Dei, secundùm morem antiquum; vel juxta Boërium in susceptione hospitem, aut osculo Neo-Professi &c.*
- n) *Ubi tamen præcedunt ministri altaris, ex praxi & Ceremoniali.*
- o) *Putâ, si Cantores fuerint; aliàs ad intonandam Antiphonam ante Psalmum, juxta c. 47.*
- p) *Id est, non habeatur illius ratio.*
- q) *Hoc est, nulli obfit.*
- r) *Nam S. Ignatius in Ep. ad Magnes. scribit, Samuelem fuisse parvum puellum, quando redarguit nonagenarium Heli; Daniele verò 12. annorum, quando convicit senes adulteros.*
- s) *Seu judicio.*
- t) *Seu collocârit in altiore loco.*
- u) *Vel deposuerit à loco vel gradu aliàs debito.*
- v) *Id est, itâ teneant loca sua.*
- w) *Usque ad annum 15. ætatis, ex c. 70.*

- x) *Seu adhibeatur, in vitâ & moribus.*
 y) *Id est, Seniores.*
 z) *Non honore rerum, sed reverentiâ verborum ac morum, ait Smaragd.*

19. APRIL. 19. AUG. 19. DECEMB.

In ipsâ autem appellatione nominum *a*, nulli liceat alium puro *b* nomine appellare; sed Priores juniores suos Fratres *c* nominent, juniores autem Priores suos Nonnos *d* vocent, quod intelligitur *e* paterna reverentia. Abbas autem, quia vices Christi agere creditur, Dominus *f* & Abbas vocetur, non suâ assumptione, sed honore & amore Christi. Ipse autem cogitet, & sic se exhibeat, ut dignus sit tali honore. Ubicunque autem sibi obviant Fratres, junior à priore *g* benedictionem petat *h*; transeunte majore *i* minor surgat, & det ei locum sedendi: Nec præsumat junior confedere, nisi ei præcipiat Senior suus, ut fiat, quod scriptum est *l*: Honore invicem prævenientes. Pueri parvi vel adolescentes in Oratorio vel *m* ad mensas cum disciplinâ *n* ordines suos consequantur *o*;
 foris

loris p̄ autem ubi ubi q̄ custodiam r̄
 habeant & disciplinam, usque dum ad
 intelligibilem s̄ ætatem perveniant.

- a) *Id est, prænominum, ex antiquâ præxi;
 tum ut excitetur memoria, cultus & imi-
 tatio Patroni nominalis; tum verò quia
 cognomina sæculum sapiunt, malè quan-
 doque sonant, & appellato nobili compla-
 centiam ingerunt nobilitatis. Ex Nigrono.*
- b) *Id est, solo præ- aut cognomine; multò
 minus nomine nationis, patriæ, aut officii
 vilioris: hæc enim præter inurbanitatem
 sæpe sunt lapis offensionis. Idem esto ju-
 dicium de tuiffatione.*
- c) *Hoc nomine rectè vocantur Monachi, tum
 propter mutuam charitatem & imitationem
 primorum Christianorum; tum quia com-
 munis eorum mater est Religio, pater Le-
 gislator. Interim Cassinenses, ex nostrâ,
 ajunt, antiquâ consuetudine ad diffe-
 rentiam Mendicantium Monachos no-
 stros appellamus Dominos, sed affectu
 Fratres: Id quod placet Nigrono; sed
 aliis non itèm, malentibus servari nomen*

Patrum & Fratrum, conformius Regula
& humilitati Religiosæ.

- d) Vox satis usitata Veteribus; sed origo dubia: alii derivant à Græco, alii ab Hebræo, alii minùs aptè à Latino nonus, alii à voce Italicâ nonno, quod avum significat. Kiliano & aliis est vox Ægyptia, denotans Monachum sanctitate insignem. Perez & alii quidam legunt Domnos vel Donnos.
- e) Sive quod significat, vel per quod intelligitur.
- f) Alii legere malunt Domnus, vendicantes titulum priorem illi, cui dicitur in Hymno Angelico: Tu solus Dominus. Sed & Papa ipse in Litaniis Sanctorum vocatur Domnus Apostolicus. Idémque innuit Versus vulgatus: Cœlestem Dominum, terrestrem dicito Domnum. Vid. Gavant. c. II. in Rubr. Brev. n. 4.
- g) Seu Seniore.
- h) Dicendo, Benedicite, si fuerit extra loca & tempora interdicta; aliàs tantùm humiliter inclinando. Ex Petro Venerab. Bernardo Cassin. &c.
- i) Hoc est, digniore aut Seniore. De quo bel-

le

le *Juvenalis*: Credebant hoc grande nefas & morte piandum, si juvenis vetulo non assurrexerit.

l) Rom. 12.

m) Iterum pro *Et*.

n) Id est, cum debita modestiâ & compositione.

o) Seu teneant, inter se & separatim ab aliis.
Ex Bern. Cassin.

p) Id est, extra Oratorium & mensam, vel etiam Monasterium.

q) Eleganter pro ubique.

r) Seniorum scil. sibi deputatorum, juxta Bern. Cassin. imò & omnium aliorum, juxta lect. præced.

s) Activè; id est, maturiori judicio præditam.

20. APRIL. 20. AUG. 20. DECEMB.

CAPUT LXIV.

De ordinando Abbate.

In Abbatis ordinatione a illa semper consideretur ratio b, ut hic constituitur, quem sibi omnis concors c Congregatio secundum timorem Dei, sive etiam pars, quamvis parva d, Congregationis